

IN NUPTIAS
COMITIS
ALOYSII
MINISCALCHI
VERONENSIS
ET
MARCHION.
OCTAVIÆ CAPRA
VICETINÆ.



PATAVII. CIOIOCCXLIV.

EXCUDEBAT JOSEPHUS COMINUS.

SUPERIORUM PERMISSU.

2 A 1 T 1 0 5 2 1

1 1 2 7 9 1 2

1 1 2 7 9 1 2

1 1 2 7 9 1 2

1 1 2 7 9 1 2

1 1 2 7 9 1 2

1 1 2 7 9 1 2



1 1 2 7 9 1 2

1 1 2 7 9 1 2

1 1 2 7 9 1 2



Digitized by the Internet Archive
in 2020 with funding from
Getty Research Institute

<https://archive.org/details/innuptiascomitis00unse>



(III)



EQUITI AMPLISSIMO
MARCHIONI
MARIO
CAPRA

VINCENTIUS VICARIUS.



ON quia deductum generoso san-
guine Avorum
Te Genus Italia primoribus inse-
rit, aut quod

*Pingua sexcenti subigunt tibi jugera tauri;
Nec quia sunt magnis dignæ tibi Regibus ades,
Sceptriferaeque Nurus subeunt tua tecta frequenter;
Sed quia progeniemque et opes virtutibus æquas,*

(I V)

*Idcirco hic te quisque, MARI, miratur amatque .
Nam quos sic veri, rectique inscitia cecat,
Argento ut stulte ac titulis post omnia ponant,
Non Dii non homines hos aspexere; sed illos
Quos pietas, doctrina, fides, quos denique Virtus
A stulto longe remotet lateque popello,
Hos Dii muneribus, mortales laudibus ornant;
Horum etiam post fata manet nomenque, decusque .
Magnanimum, justum, sapientem jure, parem te
Principibus quisque, et communem predicat imis,
Di-vitiis uti rationem artemque tenentem .
Idcirco et Natis felici Uxore creandis
Dii te auxere, pari genere et que moribus isdem
Egregia fecit latum te Prole Parentem .
Sed te Natorum que est edita prima tuorum,
Cui mores Pietas vera et Sapientia, vultum
Effinxit Venus, incessum Regina Deorum,
Os et dulce loqui Charitesque et maxima Pallas
Adjecere, Deis modo non celestibus æquat .
Vix pubescentem sed enim VERONA Puellam,
Musarum et Sophiæ sedes VERONA domusque,
Nuptum ad se vocat, et patriis hanc invidet oris .
Anne sibi Urbs illa hac tandem ratione reposcit
Te Matronarum decus ingens, maxima nostri*

Gloria

(V)

*Gloria te, FRANCISCA, soli, quam Jupiter ipse
A-vulsam olim Athesi Erethenum traduxit ad amnem,
Matrem ubi tum pulcræ genuisti nupta Puellæ?
O mihi si optatos liceat per-vadere lucos
Musarum, vel si citharam præberet Apollo,
Qua te, docte MARI, hunc olim donasse fatentur
Carmina, quæ Nymphæ, et Satyri mirantur agrestes,
Et vicina suos remorantia flumina cursus,
Illa tua ut placido te excepit Villa recessu!
Ut curam Natæ ex abitu tristemque gravemque,
Quæ tua, quæ caræ diffindit corda Parentis,
Munere lenirem sacro ex Helicone petito!
Verum et ab Aonia properantem rupe Hymenæum,
Candida amaracino de-vinctum tempora flore,
Quassantem tædas, atque aurea vincla ferentem,
Quæis juvenum castos cupidorum jungit amores;
Et quales quantique Viri vol-ventibus annis,
CAPRA MINISCALCO fuerit quod nupta marito,
VERONÆ, atque adeo Hesperia famamque decusque
Aucturi sint consilio rebusque gerendis,
Repenti per humum sermone hoc dicere non est.
Sed quæ fatidico plaudentes carmine pandunt,
Huc duce me quotquot modo con-venere lubentes
Assueti citharæ cantus aptare Latine,*

(V I)

*Comparat egregio tua dum se OCTAVIA Sponso ;
Quem tibi tale creat talis tanteque puella
Dissidium, his animi paullum solare dolorem .
Vive, vale, Uxorem, Natos, Sponsam, Generumque ,
Teque, MARI, Dii auctent valde felicibus annis .*





Veduta da Ostro della Rotonda del Sig. March. Capra


Zucchi sculp

(VII)



VINCENTIUS VICARIUS

P O E T I S.



O s mecum huc sacri Vates ,
OCTAVIA dum se
CAPRA MINISCALCO nubit
ALOYSIO.

Hic ubi vicina montem vix dum
Urbe relicta
Instituit Bericum lambere Bac-
chilio,

Leniter acclivis posita est in vertice collis
Artis opus raræ Villa, cui simile,
Ex quo illam exstruxit faber is cui inclyta Pallas
Et nomen dedit ex nomine habere suo,
Nil nostri videre patres, nil tale nepotes
Cernere venturo in tempore posse putant.
Quattuor hic totidem spectes surgentia scalis
Quattuor ad cæli hexastyla versa plagas;
Quadrata est ædis, cui hæc annexa, rotundus
Qui in medio, apta hunc obtinet aula locum,
Quam super exstructus celsa testudine fornix
Sic tegit, ut ne almus exsulet inde dies.
Nam lux per summi demissa foraminis orbem
A mane hic Solem præbet ad occiduum

(V I I I)

Speſtanda in parvo veluti picta amphitheatro
Quæ ſeptem nobis ſunt propiora poli
Sidera imaginibus repræſentata ſuperbis,
Effinxit rari quas manus artificis.
Porro hexaſtyla huic aulæ, ceu pontibus, æque
Junguntur paribus quattuor atriolis.
Atriolo camerata cuique cubicula utrinque
Bina, ubi dant varias perlegere hiftorias
Affixæ circum tabulæ, digeſtaque ſigna,
Quæque tegunt molles ſtragula picta toros.
Prima apte extremis, mediisſque extrema cohærent,
Quadratis miro & juncta rotunda modo.
Nam quid concinnas ſupraque infraque diſtas
Deſcribam? plane principe digna domus.
Sæpe exempla ſibi hinc dites petiere Britanni;
Angliæ at huic ſimilem denegat ipſa ſitum
Natura, hinc ſcenis nemorum quem & collibus ornat,
Planitie hinc, campos flumine & uviferos
Findente, & pinguem pratis præbente liquorem:
Quid? nemorum hic choreas ſuetæ agitare deæ.
Gens tenet hæc Tempe, gaudet quæ nomine Capræ,
CAPRA decus Berici Gens fuit uſque ſoli.
Nomen at unde domus? clypeis ne inſigne coruſcis
Quod Capram, antiqui, inſculpere ſueſtis, Avi,
Cum retro obſtantes pepuliſtis sæpe catervas,
Germanos gelidis qua rigat Iſter aquis?
An quia Diſtæo clarum genus ab Jove ductum?
Nam puerum pavit lacte Capella Jovem.
Is quoque qui veſtris inſignibus inſidet ales
Indicio eſt Divûm vos genus eſſe patris.
Hic ſed enim hac de Gente parat ſe OCTAVIA, Vates,
Nupta MINISCALCO tradere ALOYSIO.
Huic Sponſæ MARIUS pater eſt, cui Jupiter ipſe
Multa dedit pinguis jugera habere ſoli,
Artes

(I X)


Artes ipsa suas Sophie, sua carmina Apollo
Huic dedit, & dulci quæ velit ore loqui;
Ingenium ut summi passim mirentur & imi
Victuri tempus talis in omne Viri,
Seu rerum causas aperit, seu carmina condit,
Consilia aut miro explicat eloquio;
Seu quid sit pulcrum, quid turpe, quid utile, quid non,
Et voce, & vita perdocet ipse sua.
CÆCILIA huic thalamo conjuncta est TRISSINA, tanti
Gloria qua crescit Conjuge summa Viri;
Nec tantum decoris sanguis generosus avorum,
Quantum addit laus huic rara pudicitia,
Ingenium mite, & virtutum quidquid ubique est,
Quod fugat a sancto jurgia conjugio.
Ast illi primo quæ proles edita nixu est,
Jupiter, ut pulcra, ut scita Puella fuit!
Nec tamen hæc solum ore refert, formaque Parentes,
Verum etiam æquiparat indole, & ingenio;
Quam insignem pietate, bonis & moribus auctam
Ipsa artes docuit culta Minerva suas;
Matronam ut quæcumque decent norit teneatque
Nec dum bis annos nata Puella novem.
Si tamen, ut par est, animum quandoque relaxat,
Spectatum cælo deripit illa deos,
Seu choreas agit, seu illi tacta scienter
Respondent tremulis cymbala sub digitis.
Nimirum hæc illa est, quam dixi, OCTAVIA; quam mox
Dulcis Hymen pulcro tradet ALOYSIO.
Et merito talem dat Hymen tibi habere Puellam,
Quam ætate & forma & moribus æquiparas;
Nec tibi, ALOYSI, minus est sapiensque bonusque,
Patria quem rebus præficit usque, Pater;
Qui sapiens utrum magis, an sit ditior, ecquis
Dispicere, huic summum cum sit utrumque, queat?
Nec

Nec mage Matre tuæ gaudet VICETIA Sponsæ,
 Quam jactat se VERONA Parente tua;
 Quæ licet ÆMILIUM generoso sanguine clara
 Sit, virtute tamen est mage clara sua.
 Multa quidem vobis, sed non tamen omnia, debet,
 Nobile par, vester sanguis ALOYSIUS;
 Divitias certe atque genus, fortassis & illud,
 Quo similis vestri est, indolem & ingenium.
 Sed quam carminibus doctrinam sæpe Latinis
 Explicat, aut Italis illigat hic numeris,
 Unius est hæc tota suo quæsitæ labore,
 Quo fine non illum viderit ulla dies.
 O VERONA tuis fortunatissima alumni,
 Summo æque atque olim nunc quoque cara Jovi!
 Quandoquidem Pliniosque Catullosque atque Nepotes
 Divum æque atque olim dat tibi habere pater;
 Quamque tuus quondam docuit Vitruvius artem,
 Te penes est priscum rursus adepta decus:
 Nec Roma ipsa magis studiose exercuit olim,
 Quam VERONA artes nunc colit ingenuas;
 Et quo quisque magis generoso hic sanguine claret,
 Hoc quidquid pulcri est pergit amare magis.
 Quos Juvenes igitur clare exsplendescere gaudes,
 VERONÆ, hos inter fulget ALOYSIUS,
 Cui Vicetinas inter pulcherrima nuptui
 Traditur, huic uni nata Puella Viro.
 Par Juvenum felix! quos, si quid carmine possem,
 Non ulla obscura nocte dies tegetet.
 Sed quanquam me hæc deficiunt ad munera vires,
 Non vestrum indictum carmine nomen erit,
 Nec qui Atavos referent simili virtute Nepotes,
 Queis bonus augebit Jupiter hunc thalamum.
 Namque MINISCALCAM Sobolem quæ deinde sequatur
 Gloria, fatidicis versibus expedient

Qui

(X I)

Qui huc mecum advenere boni cantare Poetæ;
Phœbus enim pater his nosse futura dedit,
Atque ea quæ norunt, jucundo pandere versu,
Atque avidas hominum immittere in auriculas.
Mi quoque sat cupida quæ pendent excipere aure, &
Prolis, ALORISI, discere fata tuæ.
Eja agite, o Vates, jam nunc & Sponsus uterque
Incipiant Prolis discere fata suæ.
Cernitis Aonia ut properans a rupe Hymenæus
Cum tæda huc aditum flammeoloque ferat?
At vos, quæ huc veteri exsiluistis more, puellæ,
Queis paria adveniunt gaudia parquæ dies,
Vos quoque dicite Hymen Hymenæe, ut rite vocatus
Ad faustum hoc properet sic mage conjugium.
Sic quem quæque virum tacita dehinc mente petetis,
Hoc vobis Juno det bona posse frui.



(XII)

VALENTINI MATTHÆINI

PATAVINI.

O DIEM niveum ac nimis beatum!
Quo non exoriens venustiore
Terris attulit, afferetve Titan.
Musa o quin citharam moves tacentem?
Res est digna jocis, tuoque cantu.
Exit conjugio ligata fausto
En OCTAVIA; plurimis puella
Præstans dotibus; integraque mente.
Illa deliciæ puella Matris,
Urbis deliciæ puella nostræ,
Quam nurum cupiere mille matres.
O diem niveum ac nimis beatum!
Suaves nonne vides duos (venustum
Quantum flammeolum, sui pudoris
Tutamen, patitur videre) ocellos?
Queis mille aligeri solent Amores
Sæpe dulciter incubare, lætus
Dum quassans geminas faces Cupido
Præit, turturis alitem, ferensque
Rosas, queis decoret leves capillos;
Pulcras cerne genas, labella cerne
Queis se Punica mala, conferatve
Murex se Æbalius, Tyriusque frustra, aut
Si quid pulcrius his venustiusque.
O diem niveum ac nimis beatum!
Musa o quin citharam moves tacentem?
Hæc si pingat acu audienda natis
Bella, atque egregios Patrum labores,

Vincat

(X I I I)

Vincat Sidonias acu puellas.
Blandis articulis levem decenter
Si tractet citharam, tuas sorores,
(Dicam pace tua) Camœna, vincat.
Hac VICETIA Civitatum ocellus
Jam nec viderat, aut videbit unquam
Vel per sæcula mille cultiorem:
Exit conjugio hæc ligata fausto.
O diem niveum ac nimis beatum!
Musa o quin citharam moves tacentem?
Adstant candidi & optimi Parentes,
In has erudiere qui tenellam
Artes, Romuleæ Pater simulque
Hetruscæ MARIUS decus Camœnæ,
Ille & Principum amor, suæque Gentis.
Casto conjugio suæ puellæ
Gaudebatque simul, simul dolebat
Jampridem inclyta stirpe TRISSINORUM
Mater edita, dum suam puellam,
Quam vel plus oculis suis amaret,
A semet videt heu procul migrare.
Sed non lacrimulis madescit, urbe
Externa Generum procul venire
Læta ut conspicit. Hunc mei Catulli
Clara Urbs, nobilium parens virorum
Tulit candidulum venustulumque
Præ centum. LODOIX adesto, sparge
Jam, marite, nuces, tuis Cupido
Ardet fedibus intulisse Sponsam
Ablatam gremio suæ Parentis.
O diem niveum ac nimis beatum!
Hanc tu deperis omnibus medullis,
Hæc te deperit omnibus medullis.
Sponsi candiduli venustulique,

Ad-

(X I V)

Adest Hesperus, & cupita tandem
Nox; si non generant feræ columbas
Imbelles aquilæ, favente tandem
Lucina, breviter tori cupitum
Pignus luminis egredi sub auras
Dias conspiciam, exprimens utrumque
Et virtute, & amabili decore.

Adest Hesperus, & cupita tandem
Nox vere nivea ac nimis beata.
Ingratos cohibe, Camœna, cantus.



UBALDI BREGOLINI

TARVISINI.

EST, ubi Apollinea nondum bene fede receptum,
 Nec ferre ad sacros assuetum labra liquores
 Commendat tacitum pudibunda modestia vatem.
 Nunc tacuisse pudor; nunc ipsa modestia culpam
 Contrahit, in vitium facilis prolapsa videri,
 Cum simul Italicae Musæ, Musæque Latinæ
 Contendant cantu, totoque Helicone resultet
 Hymen, atque cavis Hymen de vallibus Echo,
 Echo utriusque iteret felicia nomina Sponsi.
 Carminis ampla seges: nec vero latior unquam
 Obtulit ingeniis vatum sese area; Juno
 Non ullis gavisa magis est pronuba vinclis.
 En modo Cyrrhæo tenuat sibi carmen in antro,
 Romanisque modis, OCTAVIA, claudere laudes
 Pars sudat studiosa tuas; pars altera oloris
 Hetrusci nifus, dextrosque secuta volatus
 Te resonare docet filvas, LODOVICE, lacusque.
 Ipse ego, quæ plectro Clio modulata Latino
 Concinuit, referam, serisque nepotibus edam.
 Servarunt reliquæ inviolata silentia Musæ,
 Dum canit illa; Eurys posuit; stetit unda, sacrosque
 Excepit versus arrectis auribus omnis.
 Sic, dum populea mæret Philomela sub umbra
 Attonitæ volucres incondita murmura ponunt:
 Illa ausus Terei insanos, furiasque sororis
 Dulce canit, cantuque petit fomenta dolori.
 Nata Jovis, Jove digna loquor: Jove digna loquenti
 Credite. sunt patri sunt vincla jugalia curæ;
 Quos-

(X V I)

Quosque hujus dulci vescentes ætheris aura
Felix thuriferas Hymenæus necit ad aras,
Hos ante omnipotens æterno fœdere junxit,
Quam nostri in dias exirent luminis oras.
Quippe Animæ Heroum ingentes, quasque ignea Virtus
Sublimes terra ad Divûm vehit aurea templa,
Sidereos habitant orbes. ibi mutuus illis
Vincula necit amor: vinctas ibi lege marita
Confociat genitor: jam tum qua prole parentes
Ditet, quæ extremos maneat fortuna nepotes,
Alta mente Deus statuit. Decreta jubentis
Excipiunt Parcæ, scribuntque adamante perenni.
Non novus est, LODOVICE, tuus, quo funditus ima
Ossa calent, ardor: non nuper lampade adussit
Molle tibi Veneris proles, OCTAVIA, pectus.
Jamdudum facilis castos Hymenæus amores
Sensit; jamdudum vestro aurea vincla paravit
Conjugio, accenditque faces Lucina jugales.
Ignibus arrisit vestris, thalamosque beavit
Jupiter, & pleno diffudit munera cornu.
Quæ mihi tum genitor felicia fata canebat
Natorum ostentans seriem, magnosque Nepotes
Ordine dinumerans, patriumque in nomen ituros!
Gaude felici, gaude, VICETIA, Sponsa.
Quos Cives Patriæ illa dabit! quos optima Natos
Patri alet! & teneros queis moribus imbuet annos!
Aut quantum tanta crescet tua gloria alumna!
Non illam tantum formosi gratia vultus,
Stellantesque oculi, & rutilantes verticis aurei
Exuviæ decorant: quamvis stupefacta juvenus,
Turbaque miretur matrum altæ frontis honores,
Et fufum ingenue calefacta per ora ruborem.
Casta placet, pudibunda placet. sic gratior illi
Ora Charis pingit, residetque in fronte Cupido;
Quale

(X V I I)

Quale auro artificis docta circumdatus arte
Carior est adamas, puraque in luce nitescit.
Quid tu istam nimio devictus vulnere amoris
Suspiras, pendesque inhians ridentis ab ore?
Jam, LODOVICE, tua est: ultro jam foedere firmo
Ipse tibi sese addixit, propriamque dicavit.
Incolat assidue vestras Concordia sedes,
Et quæ præluxit thalamis fax pinea vestris,
Usque suas servet flammæ, dextraque potenti,
Nupta, tuos Cytherea sinus contingat, & illum
Omnivoli revocat quo Juno Tonantis amorem,
Det facilis cestum tibi, ut in te deditus una
Unanimis Sponsus tecum vitæ expleat annos,
Et possit caros Mater sperare Nepotes.
Speret io. jubet esse ratam spem Jupiter ipse,
Aucturusque brevi clarorum facta Parentum
Infans nascetur generosæ gloria Gentis.
Hanc ferat ut lucem rapidis Aurora quadrigis
Ah, precor, ah celera decimum, bona Cynthia, mensem,
Et vos sollicitæ properate o vellera Parcæ.
Fata cano. natæ genitor quæ fata reclusit,
Præscia venturi vobis ego carmine pando.
Qua primum ille die nostros puer induet artus;
Diffugient toto infelicia fidera cælo
Propitiis cessura locum. meliore nitebit
Parte poli Venus, inque ardentia lumina natæ
Jupiter inflectens læto pia lumina vultu.
Clarior haud unquam Eois Sol surget ab undis,
Haud ullæ clarum velabunt æthera nubes.
Juno vocata aderit, ne pectora stantia lædat
Ponderibus puer, aut uteri secreta fatiget.
Sed placidus lætæ labro semihiante parenti
Ridebit, carpetque apprehensa oscula ab aure.
Vellera sollicitæ properate o vellera Parcæ.

(X V I I I)

Parvulus assiduis durabit membra palæstris.

Non illi quisquam juvenis se conferet unquam,
Aut pedibus choreas plaussisse, aut ense corusco
Nunc ictus inferre, cita nunc pellere dextra.
Frænato lucens in equo modo passibus ibit
Tardis, difficilem expediens cursum, atque recursum
Oppositis spatiiis, glomerans atque orbibus orbes:
Æquore nunc vasto, spumanti ubi fræna remisit,
Diffugiet rapidus, volucrique simillimus Euro,
Qualis in Eurotæ ripis fræna aurea tractat,
Pondere lætantem Pollux cum Cyllaron urget.
Quis, LODOVICE, tibi, dum cernes talia, sensus?
Quæ tacitum, Mater, mulcebunt gaudia pectus?
Illum quam multæ ludentem in gramine matres
Optabunt generum, suspirabuntque puellæ!
Vellera sollicitæ properate o vellera Parcæ.

Mox, juveni postquam matura adoleverit ætas
Quos Aganippeis ducet de fontibus hauustus,
Aut illum quanto saturabit nectare Phœbus!
Quamvis occultis naturæ condita causis
Omnia solertis lustrabit lumine mentis.
Nostris ille choris mixtus nunc ludet amores,
Nunc majore tuba Heroum super astra locabit
Virtutes, & se nolens laudabit in illis.
Tum plectrum juveni cedam; tum gaudia Pindus
Ducet, & antiquum vertentur tempora in aurum.
Vellera sollicitæ properate o vellera Parcæ.

Jam juvenis, jam vir, jam plenis grandior annis,
Cernitis, ut meriti decore illustretur honoris!
Res patriæ vasta tractantem, & publica mente
Expedient vigiles per acuta negotia curæ.
Præsidium innocuis insigne, ingrata nocentum
Munera rejiciet, perque obstantem arma catervam
Justitiæ expediet vindex, rigidusque satelles.

Servent

(X I X)

Servent fata diu patriæ; nec Jupiter almus
Ocyus ad cælum, nativæque fidera tollat.
Donent fata brevi patriæ, nec Jupiter almus
Longius ad cælum, nativæque fidera servet.
Vellera follicitæ properate o vellera Parcæ.
Hætenus illa canit: læto tum murmure circum
Mons omnis sonuit; faustum de parte sinistra
Jupiter intonuit, mediaque in luce refulsit.

BARTHOLOMÆI ZIGGIOTTI

V I C E T I N I .

ALME pater fluviorum Athësis, quo semper amico
Bacchilio innumeris hucusque est usus ab annis;
Quæ VICETINA nunc ad te devenit Urbe
Virgo, MINISCALCO Juveni desponsa, tuamque
Auctura egregiis VERONAM civibus, atque
Forma pulchra, bonis & nata Parentibus, & quæ
Nobilitate tibi decus, & virtutibus addat:
Quos AVIÆ, precor, isthac olim ex Urbe profectæ
Et tribuit meritos, & habet VICETIA honores,
Hos NEPTI tribuat pariter VERONA merenti,
Urbique Urbi reddatque vices, gratesque rependat.



(X X)

P E T R I B A L D A R I N I

V I C E T I N I .

CAPRA inter Bericas longe pulcherrima Nymphas,
Et Vicetini gloria magna foli,
Nupta MINISCALCO parat, heu! discedere longe;
Quam tumido hinc ad se flumine fert Athesis.
Ah Athesis, Athesis, quo avertis gaudia nostra,
Invide? materno gaudia rapta finu?
Sat tibi sit nuper, Justo poscente, Puellam
TRISSINEAM patrios deseruisse lares:
Cujus formosis Reron vicinus ocellis
Captus, sæpe udo sustulit amne caput.
Bacchilio, & Reron, Nympharum maxima cura,
Et Venus, o vestram, numina sancta, fidem!
Si pia mens nobis, si nulli obnoxia culpæ,
Urimus & sanctis thurea dona deis:
Ne finite egregias externo flumine Nymphas
Abduci; ni omnes hinc abiisse juvat.
Omina diique deæque omnes avertite; venti,
Aeriæ & nubes diripienda ferant.
Ast bonus interea, correptus amore Puellæ,
Ad thalamum Sponsam ducit ALOYSIUS.
O nimium felix, nimiumque in amore beatus,
Quem fovet in casto sancta Puella finu!
Has pueri mæstas simul innuptæque puellæ
Fundebant voces, non sine lacrimulis,
Tundebantque cavis mærentia pectora palmis,
Bacchilioneæ qua fluit humor aquæ.
Ut querulas voces, mistum lacrimisque dolorem
Audiit ex imo flumine Bacchilio;

Con-

(X X I)

Continuo vitreis glaucum caput extulit undis,
Atque hos subridens fudit ab ore sonos:
Quis dolor, o pueri, vestras, caræque puellæ,
Incessit mentes? CAPRA quod ad thalamum
Ducitur, atque Athesis, flumen nobis venerandum,
Eripuit, tot suspiria, tot lacrimæ?
Ponite corde metum, turbatos tergite ocellos,
Ne quis vos flentes (si pudor) aspiciat.
Non gratum est nobis alieno flumine Nymphas
Omnes abduci; sic mea lympa pede
Semper eat facili; brumæ nec frigora tardent,
Nec noceat leni Seirius ardor aquæ.
Unam Athesis poscit: non æquum Athesi adversari;
Annuit & votis non semel ille meis.
Vos finite hanc, quando maturo tempore adepta est
Conjugium, atque pari nobilitate Virum,
Longius ire: brevi partu ditescere dulci
Sancta dabit Venus, & rite vocatus Hymen:
Virgineique chori explebit numerum, uberiusque
Fœnore cum largo damna rependet Amor.
Sic ait; & dictis tristem lenire dolorem
Visus: tum excepto mugit unda deo.



ALEXANDRI MALDURI

VERONENSIS.

HANC dixere diem, ternæ quæ fila Sorores
 Provida neverunt, quæque futura neunt;
 Hunc fore cui CAPRAM vultuque & dotibus aureis
 Aureus æterno fœdere junget amor.
 Evenit. Dat signa Deus; jam pronuba Juno
 Quassat divina flammea docta manu.
 Latus Hymen, Bacchi & Veneris dulcissima proles,
 Huc venit ostrina nobilis in tunica;
 Cujus inauratum latus, & manus ipsa pyropo
 Fulget, & in focco Perfica gemma nitet;
 Qualis ad Hermionem fertur venisse, priusquam
 Tincta foret Pyrrhi sanguine magna domus:
 Et bene cum circum cælestia lumina vertit
 Fatidicus tales edidit ore sonos:
 Salve Connubium, cui par non protulit ætas,
 Maxima cura hominum, maxima cura deûm.
 Candida promerito vobis nascentibus astra
 Donarunt hilares & fine nube dies;
 Quin tibi, bella Puella, dedit sua munera Cypris,
 Ridentes oculos lacteolasque genas.
 Quidquid agis, decor est; quoquo vestigia tendis,
 Componit furtim pulcra Thalia gradus.
 Sed manet aulæis sedes pretiosa superbis:
 En agedum longas solve Puella moras.
 Illic succrescet Proles, quæ facta Parentum
 Augebit titulis conspicienda novis.
 Illic ære potens surget ZANINIUS alter,
 Lata cui findent jugera mille boves.

(X X I I I)

Ne pigeat parvo, MARCE, invigilare Nepoti,

Dulciaque a puero basia furripere,

Et balbas interdum audire ac reddere voces:

Facta tuam extollent grandia canitiem.

Dixerat: insolito radians se sustulit alte

Aera per medium proripuitque deus;

Et domus ambrosiæ jucundo risit odore.

Ah mihi si liceat tot superesse dies!

Tunc ego Musarum sacros digressus in hortos

Bellerophonteis ora lavabo vadis,

Neglectasque lyræ chordas plectrumque movebo,

Deducens vestris laudibus omne melos.



(X X I V)

C O M I T I S

A L F O N S I M O N T E N A R I I

V E R O N E N S I S .

HUc huc Hendecasyllabi, lepórum
Pleni, Jupiter! & facetiarum:
Nam tædas quatit eminus corufcas
Gnatus Uraniæ, undequaque & umbras
Noctis irradiat tenebricosæ;
Jamque ad magnanimum Virum Puellam
Rapit, cui Charites, Amorque ocellis
Labrisque, ac genulis, papillulisque
Sedibus veluti in suis refulgent.
Proh quales humeri! oris & venustas
Qualis est Juveni, breví marito,
Qui se se ad sobolem parat creandam!
ALOYSIUS hic vocatur, illa
Verum OCTAVIA, cui parens VICETIA
VERONÆ Juvenis parenti amata
Tantum, quantum amat impotenti amore
Puella hæc puerum, hic puer puellam.
Sed ambo in thalamo pares jungantur;
Exstinxit faces Hymen, reditque
Umbrosos Heliconis ad recessus.
Vos ergo & Veneri, Talassioque
Ter quater canite altius lepóres,
Pro nucum strepitu, facetiasque.



N. N.

V E R O N E N S I S.

NYMPHÆ quas Athesis pater trecentas
 Ulnis confovet, atque alit tepenti
 Lympha, hos en tibi, quæ venustiorum
 Longe pulchrior es juvenularum,
 Carpserunt digitis suis tenellis
 Flores, litore qui haud procul virenti
 Fragrant omnigena suavitate.
 His addant alios venustiores
 Rero quas genuit pater forores,
 Quæ te olim riguis aquis ovantes
 Lustrarunt utero editam sub auras
 Vitales, quater & magis beatæ.
 Tum flores varios legens Iolas
 Cultor Pieridum novem fororum.
 Mentemque Aonio repletus œstro,
 Contextet geminas manu corollas,
 Alteram tibi & alteram Marito,
 Cujus os, oculique, candidique
 Mores, ingenium pium ac pudicum
 Cælestem referunt suavitatem.
 Salvete o decus, o perennis ævi
 Nostri gloria, Conjuges, amore
 Vinciti perpetuo tenacibusque
 Nodis: numine vos dii benigno
 Servent incolumes magis magisque;
 Dentque blandidulos videre gnatos,
 Qui probi, dociles, & integelli
 Mores atque animum exprimant Parentum.

N. N.

N. N.

VERONENSIS.

PONE modum lacrimis: nimium neu, Virgo, dolori.
 Indulge, patria cum tibi abire domo
 Nunc jam præcipitur. Multis magnisque relictis
 Divitiis opibusque, haud equidem abnuero,
 Discedis: non cara Patris, non dulcia Matris
 Amplius ora tibi fas erit aspicere:
 Et Fratrum sejuncta ab lusibus atque Sororum,
 Quod reliquum est vitæ, transigere incipies.
 His tamen occurrent pro cunctis maxima dona,
 Quæ fortuna tibi & fata secunda ferunt;
 Ut patriam atque domum & dulces liquisse Parentes
 Ullo te nunquam tempore pœniteat.
 Scilicet egregio in primis jungere Marito,
 Qui forma, eloquio, moribus, ingenio
 Aut tibi Narcissus forte, aut videatur Adonis,
 Aut ipse Aonii ductor Apollo chori.
 Et Socer & Socrus contingent insuper illi
 Qui tibi vel Matris, vel Patris instar erunt.
 Tum celsas ædes atque aurea tecta subibis,
 Quæ incolere Idalia haud respuat ipsa Venus.
 Hic famuli famulæque; argenti hic pondus & auri;
 Hic lusus mille, & deliciæ omne genus.
 Denique quod forma fuerit, quod sanguine dignum
 Cumque tuo, haud deerit id omne tibi.




(X X V I I)

J O: B A P T I S T Æ T O B L I N I I

C A V A L I O N I S P A R O C H I.

QUID, o lacrimulæ meæ Puellæ,
Quid vultis? mea flet Puella, dum mi
Nubit? illa me amore nonne tanto
Videbatur amare, quanto amore
Suum unquam tenerum unum amantem amasse
Fertur ebria virgo? nunc potita
Me sponso, lacrimatur? heus boni dî,
Quidnam hoc est? mei eamne tædet? at sim
Stulte injurius optimæ Puellæ,
Ejus si addubitem de amore: easdem
Has amor lacrimas movet. cupito
Cum primum potitur viro, redundat
Nupta fervida gaudio: hoc teneri
Intus dum nequit, ejus ex ocellis
Erumpit lacrimando. pergitote,
Dulces lacrimulæ, ex amore natæ,
Largiter fluitare. non molestum est,
Vos corrumpere lucidos ocellos;
Non, turpare sinumque, vinulumque
Oscillum, & roseas genas Puellæ:
Mi vos, lacrimulæ, facit Cupido
Rifu dulciculo esse dulciores.



(X X V I I I)

ANDREÆ THEOPHILI ZINELLI

V E R O N E N S I S.

COMMENDO tibi, nobilis Dione,
Impubem optimum, & optimam Puellam,
Par dignum studio tuo perenni:
Ambo sunt similes amore, & annis,
Blandi, & ingenui ambo, & elegantes.
Tu illis molliculos para lepóres,
Illos deliciis bea cupitis,
Jocisque, illecebrisque, gaudiisque
Cunctis. at propiore ludat anno
In aula egregia Puer venustus,
Puer, cui facilis, precor, ministres
Ipsa; sique videbitur molestis
Fasciis teneros revinctus artus
Forte ullam edere vagiens querelam,
Tu met lacrimulas manu suavi
Deterge, & placidas benigna cunas
Mota, non sine versibus jocosis.
Tum ego, Diva, caput virente myrto
Cinctus te celebrem, tuumque natum
Cultis hendecasyllabis trecentis.



(X X I X)

F E D E R I C I M A U N I C I

ADOLESCENTIS NOBILIS TARVISINI.

L U C E hac, fidera qua fuis
Expellens radiis æthere nubilo
Phœbus culmine Berici
In fummo, quam alibi, fplendidior micat ;
Et multum ruit alveo
Spumanti tumidus Medoacus minor ;
Qua V I C E T I A nobilis
O quantum eft hilaris! qua undique perfonant
Plaufus, qua pueri canunt
Gaudentes, teneræ carmina virgines
Dicuntque, atque fonant, folum
Et pulfant celeri ter pede fertile,
Ut Nymphæ niveæ fimul
Feftivo juvenum cum Charitum choro:
Vates, tempora mollia
Cingit queis redolens germen Apollinis,
Qui res confpicias, viros
Illuftres canitis, qui armaque fortia,
Nunc nunc fumite barbiton,
Nunc nunc veftra canat Calliope dea,
Sponfos tollite nunc novos
Veftris carminibus fidera ad aurea.
Sponfus, Sponfaque nobilis
Veftris vera manent materies modis.
Vos, O C T A V I A, cernite,
Quam fpectabilis eft ftirpis origine,
Et virtutibus inclytis,
Cujus jam Proavi moribus & bonis,

Doctif-

(X X X)

Doctisque artibus, enseque
Illustres Patriam fama, & honoribus
Ornavere suam. Ut gravis
Est, prudens, sapiens, sanctaque, castaque,
Formaque egregia nitens!
Ille ortus jam Atavis nobilibus Puer
Clarus, præditus artibus
Doctis, conspicuo & mentis acumine est,
Quem VERONA suis tenet
In magnis celebris semper honoribus;
Castus nunc Hymenæus hos
Jungit, jungit Amor conjugii jugo.
O quos hi Pueros dabunt!
Quæ ex illis geniti grandia facta agent!
Si par filius est patri,
Nascunturque boni fortibus & bonis.

C O M I T I S

P E T R I D E C O M I T I B U S

V I C E T I N I.

O TER felices Athesis gaudete puellæ;
Collibus a Bericis extera Sponsa venit;
Extera Sponsa venit, laus vestræ & gloria terræ,
Quam celebrare novus, digna, Catullus amet.
Os illi egregium finxit Venus aurea, plures
Inque artes Pallas præpropere erudiit.
Nobilitas, gazæ, tituli, laus ultima Sponsæ;
Emicat illa magis dotibus ingenii.
Quam pulchrum, VERONA, tibi VICETIA munus
Affert! redde olim tu quoque grata vicēs.

MI-

(X X X I)

M I C H A E L I S P A V A N E L L I

V I C E T I N I .

QUID cessas, blandam complexa OCTAVIA Matrem,
Aureolum e patriis ferre pedem laribus?
En tibi Pierio properat de colle Hymenæus,
Cinctaque amaracino tempora flore gerit.
Quid cessas? novus en prope adest tibi, Nupta, Maritus,
Candidula comsit quem Cytherea manu.
Ipsa quoque, en, juxta venit. Eja age: cuncta parata
Sunt tibi: jamjam se furripit alma dies.
O quales posthac per sæcula multa Nepotes
Ex tali ac tanto surgere conjugio
Laudibus eximiis cernes factisque decoros,
Quorum fama diu crescat in ora virûm!

C O M I T I S

O C T A V I I E R N E S T I Æ M I L I I

V E R O N E N S I S .

OPTARANT Charites præstanti hinc ore puellas,
Hinc doctos Pallas, belligerosque viros.
Connubio tanto, dixit præfagus Apollo,
Vos lætæ, Charites, tu quoque, Pallas, eris.



(X X X I I)

J O S E P H I G E R A R D I
ARCHIPRESBYTERI CAVASII VICETINI.

Q U I D nunc, potentes dulcisonæ lyræ,
Refert, Achæi, dicere nuptias
Cressæ puellæ cum Lyæo
Patre? quid & celebrare fortem

Q u a vultis auctum Pelea, cum Thetin
Conduxit uxorem ad patrios lares?
Frustra; faceffant jam canora
Somnia; nulla fides apud nos.

I l l e est beatus qui Dominum timet,
Ejusque sanctis ambulat in viis;
Beatus, æternoque in ævo
Jure beatior est futurus.

U t vitis udo quæ latere in domus
Plantata mitem educat atque alit
Uvam educatam dulci ab imbre, &
Uberiore solo tumentem:

S i c hujus uxor pæne feracior
Integra puris moribus & finu
(Munus Tonantis grande) multa
Prole virum, proavoſque ditat.

J u v a t videre a termite pendulos
Fructus olivæ; sed magis ut juvat
Virumque, & uxorem videre in
Circuitu sobolem affidentem

M e n ſ æ ! Beatus jure A L O Y S I U S ,
V E R O N A mater quem pia nutriit,
Quem prisca Avorum lux coruscum
Efficit, at sua clariorem:

Q u e m Muſ a doctos ducit in hortulōs,
Donatque lingua carmina ſcribere

(X X X I I I)

Utraque, quem Paullus docere,
Vitruviusque studet suam artem!
At plus beatus, quod benedictio
Descendit alto dulcis ab æthere,
Dum jungitur CAPRÆ, venustæ
Suaviloquæ, lepidæ Puellæ.
Si, auctore Cælo, pars bona dicitur
Uxor bona, & justo dabitur viro
In præmium virtutis; o te
Parte, ALOYSI, beatum ab omni!
Hæc vitis illa est cui dederit Pater
Ornare multis fructibus, & bonis
Gentem MINISCALCAM, futurum
Splendeat ut mage mox in ævum.
Amcene gaude nunc Athesis, manu
Et plaude, Cives artibus inclytos
Pulchris videbis mox, tuasque
Famam iterum celebrare ripas.
Lætare felix tu quoque, Bericè,
Quem DIVA, capta sede, colit sacrum:
Exsulta ut agnus, quando clarum
Abs te Athesis repetit decorem:
Vocefque, plausufque audiat invidus
Orci Tyrannus; jam infidias, bonis
Non his timendas, sed scelestis,
Conjugibus, struat usque dirus.
Timenda vis est Dæmonis, & dolus
Proh quantum! ab illis quos mala copula
Jungit, Deum arcentes pudenda
Mente, ut equus, rudis aut asellus.
Frustra latrantem quid timeant canem
Sponsi pudico Tobiadæ pares?
Non cæca subvertit libido, at
Prolis amor rapit hos honestus.

FLORIANI REXICI FALISCI.

MENE, jam senio gravem,
 Nuptialia dicere,
 Dive tādifer, excitas?
 Men' vocas juvenilibus
 Modis plaudere Nuptæ?
 Affuevit tremulum caput
 Omnia annuere omnibus.
 Nollem Rexicus; at caput,
 Invito me etiam, annuit:
 Ergo rite canendum est.
 Sed quid lætitiā, & jocos,
 Quid chely venerēs dabit,
 Lepóresque, facetiasque?
 O quid restituet bonæ
 Robur omne juventæ?
 Dive tādifer, insciis
 Mira pandere, tempus est;
 Tempus, prodigiis rudes
 Erudire. fac illico
 Prodeat nova Nupta.
 Nupta jam nova prodiit:
 Hoc mi lætitiā, & jocos,
 Lepórem, & venerēs dabit;
 Hoc mi restituet bonæ
 Robur omne juventæ.
 Quantus est oculis nitor!
 Qui labris rubor, & genis!
 Fronti quæ gravitas! sedet
 Forma, gratiaque, & decus
 Vultu, & corpore toto.

(X X X V)

Tres quondam referunt Deas
Idæi ad nemoris jugum,
Te sub iudice, Phryx Puer,
Convenisse. Diespiter!
Quæ miracula formæ!

Sæva pectora tigridum,
Leonumque ferocitatem
Amifere. cubilibus
Vallium, & nemorum jugis
Risit insolitum Ver.

Panes silvicolæ, & procax
Hirtorum Satyrûm manus
Liquere intuitu novo.
Napææ, & Dryadum chori
Omnes obstupuere.

Judex ipse nimis grave
Sensit iudicis esse onus:
Perlustrans oculo hanc & hanc,
Sensit, sese iterum atque iterum
In contraria ferri.

Jam tandem reliquis Paphi
Precantem antetulit Deam;
Unde is Pastor, & Ilion
Quondam flos Asiæ, faces
Sustulere Pelægas.

Ulli, OCTAVIA, te parem
Deæ dicerem; at hoc quoque
Mi plenum est opus aleæ;
Hæc sententia non leve
Habet nostra periculum.

Dearum chorus expetit
Omnis, te ut sibi comparem;
Certant nec minus acriter,
Quam cum hæc munera cernerent
Inscripti aurea pomi.

(X X X V I)

Me sub iudice pendeat
Ergo hæc caussa: satis mihi
Est, te dicere corporis
Pulchritudine nemini
Dearum inferiorem.

Hocce lætitiæ, & jocos,
Hocce dat veneres chely,
Lepóresque, facetiasque.
Hoc mi restituit bonæ
Robur omne juventæ.

Huic formæ o utinam foret
Decus sanguinis additum!
At hoc est simul additum.
Nupta quæ nova Nuptæ huic
Compararier ausit?

Hujus Gens vetus, & Domus
Germanas coluit plagas;
Inde cessit in Italas,
Fauftæ inter sonitus tubæ,
Gradivique trophæa.

Bona cum alite ad Italas
Venisti, inclyta Gens, plagas:
Bona cum alite splendidis
Hanc tu sedibus excipis,
O VICETIA, Gentem!

ODERICUS enim hinc tibi
Ense, & eloquio potens
Ille traditus est, tuæ
Quem fecit celebrem omnibus
Seclis cura salutis.

Succurrat tibi pestilens
Ecelinus, & horridum
Minata excidium manus,
Æternique tyrannidis
Dura lege timores.

Luge-

(X X X V I I)

Lugebant laceræ comas

Matres, undique filiæ im-
plebant questibus aera;

Pavor mœnia pallidus

Occuparat & horror.

O D E R I C U S at omnium

Vindex, & Patriæ salus,

Luētus, excidii, metus,

Æternæque tyrannidis

Causas expulit urbe.

Mitto dicere cæteros

Quos vel glória proelii,

Vel pacis sapientia

Dignos semideûm choro,

Alta evexit ad astra.

Mitto; nam nova talibus

Nupta est orta Parentibus,

Solum hinc dicièr ut queat:

Nupta quæ nova Nuptæ huic

Compararier aufit?

Cujusnam generis bona

Fluunt Pallados e sinu,

Quæ Nuptæ M A R I U S Pater

Non exhausit impiger,

Prima ab usque juvena?

Cujusnam generis bona

Dant dii munera feminis,

Quæ Nuptæ Genitrix novæ

Pleno CÆCILIA ætheris

Non acceperit imbre?

Vides, ut nova talibus

Sit Nupta orta Parentibus,

Jure dicièr ut queat:

Nupta quæ nova Nuptæ huic

Compararier aufit?

(X X X V I I I)

Verum jam venit, en venit

Quæso, Nupta, age, quem putas

Venire? Ecce venit, mihi

Crede Dic age, quem putas

Quæso, Nupta, venire?

Ille, quem nova jamdiu

Nupta, mente soles habere;

Ille, glauci Athesis prope

Undas, quem celeberrima

Nosti origine natum:

Ille, quem Soboles suæ

MINISCALCHIA Patriæ,

Commixta ÆMILIÆ dedit;

VERONA unica cæteras

Ut præcederet Urbes:

Ille ille ecce venit, tuo

Ustus intima pectoris

Amore; ut repetam libens:

Nupta quæ nova Nuptæ huic

Compararier aufit?

Venit: dic age, quid genas

Istis, Nupta, ruboribus

Suffundis? quid humi modo

Inter muta silentia

Pulchros ponis ocellos?

Conjux visne abeat tuus?

Conjux, ergo abeas, rogo.

Quid nunc quid cupidos humo,

Audaci intuitu, precor,

Quid nunc tollis ocellos?

Te contraria nunc docent

Hinc modestia, & hinc amor.

Hinc modestia nunc docet

Humi ponere, & hinc amor

Humo tollere ocellos.

Hac

(X X X I X)

Hac tu laude modestiæ,

Hac tu laude & amoris ita

Effulges; repetam ut libens:

Nupta quæ nova Nuptæ huic

Compararier aufit?

Ast præcepta modestiæ

Obliviscere; quod jubet

Amor, nunc facias. Jubet

Te modo nitidos Amor

Humo tollere ocellos.

Tolle ergo, & faciem Viri

Fixis inspice ocellulis.

Vides? hercule dignitas

Vultus quantum oculis placet,

Suo sparsa lepore!

Illa nobilium decus,

Virtutis foror, & comes,

Illa huic indita comitas,

Ultro nonne fibi omnium

Cor devincit amore?

Vis illa eloquii, & fluens

Verborum lepor aureo

Cursu, nonne statim omnium

Quidquid inciderit, fibi

Arrectas facit aures?

Nupta, hic optimus ecce adest

Conjux, cumque suo sciat

Ustam te intima pectoris

Amore, in sua te vocat

Domus pergere tecta.

Jam nunc te Dominam vocat

Domus, & Dominam domus

Diligens famulantium

Turba, totaque Civitas

Pleno te ore vocabit.

MINISCALCHIA te Domus
 Expectat Dominam: domus
 Late molibus infidens
 Vastis, & capite arduum
 Sese ad fidera tollens.
 Domus, qua gradiens opum
 Admirabere copiam;
 Admirabere fulgidum
 Argentum, atque ebur Indicum,
 Ustæ & vasa Corinthi.
 Uni stat tibi pulchrior
 Pars instructa Palatii,
 Cujus undique parietes
 Sericisque tapetibus
 Lucent, lumine & auri.
 Illo illustrius hoc magis
 Fertur esse cubiculum:
 Sed illustrius altero
 Quodnam fit, finit omnium
 Vix videre venustas.
 Ast novum thalamum quibus
 Pingam, Nupta, coloribus?
 Hic Viri ingenium, atque opes,
 Hic mens artificum, & manus
 Visum quidquid ubique
 Est unquam pretiosius,
 Quidquid & fuit uspiam
 Artis laude decentius,
 Id feliciter ausibus
 Evicere secundis.
 Clara Laomedontii
 Quondam Regia Principis
 Quinquaginta habuit nurus;
 Divesque his thalamos focer
 Quinquaginta paravit.

(X L I)

Aurum barbaricum undique
Fulfit, & Phrygium undique
Opus; cui Genitæ, & Parens
Cisséis nitidas manus
Admovisse feruntur.

Verum non ego quempiam
Illorum anteferam tuo.
Unus hic operis Phrygii,
Auri & barbarici anteit
Coloresque, decusque.

Conjux en vocitat tuus
His te deliciis frui;
Quas inter, facili dolo,
Vix te limine senties
Excessisse paterno.

Quid morare? iterum tuus
Vir vocat: nova Nupta, abi.
Inter oscula, miscuit
Flexa lacrimulas Parens.
Eja abi, nova Nupta.

Non has, crede mihi, elicit
Ullas lacrimulas dolor.
Ingens lætitia affolet
Fletus elicere. Eja abi,
Eja abi, nova Nupta.

En abit: tenera en Viri
Inhæret manui manus.
Tempus nunc canere in modum;
O Hymen Hymenæe Hymen,
Hymen o Hymenæe.

Modo Conjugis ut Viri
Inhæret manui manus;
Cordi sic amor hæreat.
O Hymen Hymenæe Hymen,
Hymen o Hymenæe.

Ut

(X L I I)

Ut crescit Veneri in dies
Myrtus aëlia; ita hic amor
Excrescat magis ac magis.
O Hymen Hymenæe Hymen,
Hymen o Hymenæe.
Ut semper viridi nitet
Fronde laurus; ita hic amor
Suis ardeat ignibus.
O Hymen Hymenæe Hymen,
Hymen o Hymenæe.
O factum bene! respice.
Nos boni haud sumus impotes
Voti: respice, respice.
Io Hymen Hymenæe io,
Io Hymen Hymenæe.
Jam Discordia venerat
Diras concutiens faces;
Jam, vestigia Conjugum
Legens, currere cœperat,
Si forte assequeretur:
Sed repente volantium
Amorum jaculis fuit,
Ut vi fulminis, obruta.
Io Hymen Hymenæe io,
Io Hymen Hymenæe.
En veneniferæ solo,
Misto pulvere, stant faces
Nullis ignibus horridæ.
Io Hymen Hymenæe io,
Io Hymen Hymenæe.
Amores teneri huc & huc
Ecce disjiciunt faces,
Et molli pede conterunt.
Io Hymen Hymenæe io,
Io Hymen Hymenæe.

(X L I I I)

Hi vivent bene Conjuges
Sub dulci unanimes jugo;
Nec Discordia mutuos
Quibit, sæpius ut solet,
Hic discindere amores.

Ast unum superest adhuc,
Dive tædifer; hoc volo.
Hoc in tempore Rexus
Nil optabilius potest,
Nilque debet habere.

Ni confideret hoc fore,
Pigeret prope Rexus
Lyræ carmine tinnulo
Jocos, & juvenilia huc
Usque concinuisse.

Quin imo penite aspero
Amarore, medullitusque
Ardens, non sine turgida
Bile, barbiton & fides
Nunc elideret omnes.

Dive tædifer, inclytis
Per te Conjugibus, brevi
Natos tempore poscimus.
Squallerent sine liberis
MINISCALCHIA tecta.

Multa conspicuum hoc Genus
Nitet laude domestica,
Quam longa serie est opus
Indidem usque vigentium
Æternare Nepotum.

Non unum hæc habuit Domus
Nomen quo Proavi, atque Avi
Claruerunt; quod indidem
Usque progenie nova
Instaurare necesse est.

Rur-

(XLIV)

Rurfus hinc, age, JULII
Nequaquam abſimiles Avis;
Et SERTORII, & æmulæ
Duſti gloriæ amoribus
FRANCISCI exoriantur.

Eja age, exoriantur, &
Prima ætate puelluli
Ludant, ludere ſi lubet;
Sed nullo abſtineant metu
Enſe ludere ſumto.

Ludant; aſt hedera utiles
Luſus, & Cythereia
Myrtus præbeat, aut coma
Laurus perpetua virens,
Textis rite corollis.

Dum ludunt, canat interim
Vox mellita, quot in dies
Curis, quotque laboribus
Vates his ſtudeant caput
Impedire corollis.

Ludant, molliculis adhuc
Verſantes digitis ſacra
Vatum carmina, ſeu quibus
Romæ tempora, ſeu quibus
Noſtra floruit ætas.

Dum ludunt, iterum canat
Vox mellita, neque his, neque his
Patrem dicier imparem,
Noſtras, aut Latias velit
Exercere Camœnas.

Quiſque, quam pòte maxime,
Quovis tempore, parvulis
Avorum memoret decus:
Hac arte inſolitas capit
Vires excita virtus.

Arte

(X L V)

Arte hac, quem sibi tradidit

Thetis cærulea, Æaco,

Peleoque parem patri,

Inter robora Pelii

Chiron fecit Achillem.

Sed fat lætitiæ, & jocis,

Lepóri, atque facetiis,

Dive tædifer, est datum.

Abit, sentio, jam bonæ

Robur omne juventæ.

Usitata severitas

Me rursus obruit, ac tremor,

Tussisque, & querulus rigor.

Rursus me premit horridæ

Pondus omne senectæ.

Ergo, te auspice, Conjuges

Vivant sæcula Nestoris,

Silentemque probent senem,

Quem desueta diu sibi

Audivere canentem.




(X L V I)

P A U L I L A N A

P A T A V I N I .

ME quoque perlongo recreatum vix bene morbo
Insueta cogunt fumere pleetra manu
Non ulli reticenda lyræ Connubia vestra,
Illustres Sponsi, parque decus Patriæ.
Sed quæ prima canam postremave? maximâ quando
Offert sese oculis laudum in utroque seges.
Par Generis splendor, Patriæque æquæva vetustas;
Ille suis Atavis fulget, & illa suis:
Idem frontis honor, vultus par gratia utrique,
Atque animo Virtus par in utroque nitet.
Tam decedentem queritur VICETIA Sponsam,
Quam VERONA suo gestit habere finu.
Si juvat Italico, Romano aut carmine Sponsum
Dicere, dicentem Phoebus & ipse stupet.
Virgineo libeat si tangere pollice chordas,
Ipsa Erato Aonia captat ab arce sonos.
Quam bene fecit Amor, qui tales junxit Amantes,
Quorum opus externo carmine neuter habet!
Ergo tu versu celebres, Sponse inclyte, Sponsam:
Tuque sono celebres, inclyta Sponsa, Virum.
Non meliora tibi, quam Sponsi carmina, Sponsa;
Quam Sponsæ, melior nec tibi; Sponse, sonus.



(X L V I I)

D O M I N I C I P I I R O S I N I

P. B.

QUID pulchræ lacrimis puellæ ocellos
Nitentes madidis gravatis omnes
Quot VICETIA continet puellas,
Cælum flebilibus modis replentes?
Num quod primus abit puellularum
Flos istinc alii additurus Urbi
Decus nobilibus (velut colore
Splendent purpureo vireta & horti)
Suis moribus illa dotibusque?
Ludis, lætitia viæ, atque plausu
Resultent potius, quod esse posthac
Et vestræ poterit locus minori
Luci, ceu rutilæ faces coruscant
Cælo fidereæ, cadente Sole.

At contra quæ Athesim colunt, puellæ
Demittant hilares ubique vultus,
Illis nec resonent in ore cantus,
Qui nunc dulcisonis fluunt labellis.
Quid lætas pedibus leves choreas
Ducunt? quid citharis docent remotas
Formosam resonare ubique silvas,
Huc quæ juncta Viro venit, Puellam,
Cunctis qui volitat per ora; laudes
Omnes cui tribuunt; avita cedit
Cui fama eximia, & quem amant Camœnæ
Alumnum? gravitas renidet ore
Dulcis sub roseo, comesque Virtus,
Senem quæ deceant; benignitate

Cun-

(X L V I I I)

Cunctos perplacidi attrahunt ocelli.
Tali juncta Viro venit Puella,
Cujus debuerant beare pulchram
Ex illis aliquam puellam amores.

Vobis, Par Juvenum, quibus dederunt
Virtutem Superi parem, decusque,
Fluant lætitiæque gaudiumque,
Et longum bibite, ut die hac, amorem.



(X L I X)

A N D R E A S B A S S A N U S

P O R T U S - N O N E N S I S

V I N C E N T I O V I C A R I O

V I C E T I N O .

V I N C E N T I , Musarum amor, & dulcissima Phœbi
Cura, decus Vatum, V I N C E N T I , O C T A V I A dum se
C A P R A M I N I S C A L C O nuptum parat ire, sui que
Vos desiderio tabentes linquere inani,
Mene jubes suaves inter strepere anserem olores?
Ergone repenti dotes hoc carmine laudem,
Aut queis dii faciles animum ornare Puellæ,
Aureolos propter mores quæ digna beatis
Vivere cum Superis, atque has contemnere terras,
Omnigeno plenas vitiorum germine terras;
Aut quas assiduo peperit sibi nava labore?
Scilicet ut varias, proprios ceu calleat ungues,
An referam Linguas? doctis ut cymbala pulset
Articulis? ut amabiliter suavissima vocem
Flectat? ut alterno ad numeros quatiens pede terram
Spectatum quotquot veniunt, convertat ocellos?
An cantu faciem connitar tollere agresti,
Ignitas faciem jaculantem sæpe sagittas?
Cæsariem spectro? Beroniceâ esse videtur
Dignior ista mihi, numerum quæ fideris auctet.
Specto oculos? falsos mox Græcos judico: quorum
Affirmant Charitas tres tantum scripta fuisse,
Sponsæ oculus quando centum vel pullulat unus.
Quid memorem tinctas nativo murice malas?
Quid corpus solidum? Regina est altera Cypris,

D

Cum

(L)

Cum stetit ante Parin summis in collibus Idæ,
Qua forma, o Superi! ut caperet mala aurea victrix.
Hæc si te abripuit, penitusque absorbuit, ah quis
Te culpet? quis non, ALOYSI candide, laudet?
Par Genus amborum est; par est in pectore Virtus:
Divitiæque pares: nulli ut mage congruat illud,
Quam tibi, Nupta: *Pari, cupias si nubere, nugas.*
Et tu, docte MARI, laudum seges ampla, laboris
Pars o magna fores, tantum si ferre laborem
Nostri humeri possent, oneri nec cedere scirent.

*Fertur equus quondam lassus ratione viarum,
Et nimio rerum quas ferret, ponderis æstu,
Enixis socium precibus lacrimisque rogasse,
Æque partiri bulgas ut vellet: at ille
Excipere orantem risu durissimus: ægre
Sed postquam injustam infelix tulit iste repulsam,
Processit paullum; cum pondere pressus iniquo
Postremis vacuas percussit calcibus auras,
Et noto jacuit terris sine nomine corpus.*

Quare noli humeris onus hoc imponere nostris,
VINCENTI; sed tu, mansura Poemata sacris
Nuper qui dederis venientibus, optime Vates,
Tu Genus, & formam Juvenum, tu versibus orna,
Quos tua Castalio tibi dictat Musa sub antro,
Virtutem, & dextro conjunctas alite dextas:
Nec MARIUM fileas: illum tu dicere; & ille,
Ille tuo pariter laudari est carmine dignus.

Bassanoque tuo mittas haud immemor; hic nos
Qua torquet Naucelus aquas, tua scripta legemus.
Attonitæque aderunt, exstantes gurgite flexo,
Illustres animæ circum, Naucelides Umbræ,
Quæ tua miratæ sublime ad sidera tollent,
COTTA, FRACASTORIUS, NAUGERUS, carmi-
na, BEMBUS.

(L I)

VINCENTIUS VICARIUS

ANDREÆ BASSANO

P O R T U S - N O N E N S I .

SI quantum cupio, possem, BASSANE, tuisque
Musa mihi similes dictaret blandula versus,
Antiqua Augusti redolentes tempora versus,
Conditos dulci Grajûm Flaccique lepore;
Jampridem cæli pertingeret ardua nomen
Illius CAPRÆ, quem te quoque suspicere ingens
Doctrina & raræ virtutis fama coegit,
Ut simul his nostris tua te fors appulit oris:
Et Bericæ valles io Hymen Hymenæe sonarent,
Carminibus quo Peleo cecinerunt omina Parcæ
Libratos tereti versantes turbine fusos.
Sed neque eum me egomet, quem tu mentiris a-
manter,
Crediderim sanus, pravis & versibus illum
Stulte urgere pudor refugit meus. Hæc modo quæ
ad me
Misisti, confecta meo, BASSANE, rogatu,
Dum studeo officii huic aliquam dissolvere partem,
Judicium hæc subtile decent illius & aures;
His illum & Natam satis amplo munere donem.
Sed quæ ego stridenti dispergo tristis avena
Hic, ubi Bacchilio vicina se egerit Urbe,
Dum queror hosce meos non apparere labores,
Dignos fortuna certe meliore labores,
Ni hæc proprio externos fuisset præponere terra;
Nec MARIUM hæc, BASSANE, decent, nec quam
alite fausto

(L I I)

Junget Hymen cupido mox & Cytherea Marito.
Sullæ res gestas multis gratantibus olim,
Et quidam e populo victori accessit, ut ajunt,
Commendaret ei quo sese versibus, atque
Victrici iniecit confecta epigrammata dextræ.
Quæ advertens insulsa mali, & male farta poetæ,
Haud tenuit risum tanti gravitas viri; & illum
Donari laudum præconem jussit ineptum
Conditione sub hac, faceret ne postea versus.
Vive, vale; patrio Nauceli fonte relicto,
Huc propera ad dulces valde expectatus amicos.



(L I I I)

M A R C H I O N I S

M A R C I I C A P R A

S P O N S Æ F R A T R I S .

FORTUNAM, Germana, tuam dum mente revolve,
Atque illam cum hac dum confero forte mea;
Cælicolûm similem clamo te vivere vitam,
Nil me uno in terris esse magis miserum.
Tota domus tibi culta nitet, tibi purpura, & aurum,
Aurati currus, luciduli lapides,
Et choreæ, & plausus, genus omne & deliciarum,
Quodque cupis, subito cernis adesse tibi.
Præterea thalamum talis tantusque parat nunc
Vir tibi, nupta Thetis Peleo ut invideat.
Me contra immitis custodia sæva magistri
Abductum patria territat usque domo.
Cogor & assidue scamnoque harere librisque;
Maximum & inde oculos tollere flagitium est.
Nec minus hic ventri, quam animo male; tempora somno
Haud longa, at longo plena labore dies.
Tu, Germana, tamen, bona tot quæ tantaque adepta es,
Candida tam multis ora rigas lacrimis?
Quî possum, inquis, dum patria atque utroque Parente
Avellor, nullas fundere lacrimulas?
Vis doceam? ausculta: sortem, Germana, tuam istam
Cum forte hac fratris confer & ipsa tui:
Tum abscedent lacrimæ, & nil te felicius una
Esse, magis me uno rebere nil miserum.

(L I V)

M A R C H I O N I S
G A B R I E L I S C A P R A
S P O N S Æ F R A T R I S .

DUM patriam & dulces linquens, Germana, Parentès
Pergis sanctus Hymen quo, & Venus alma vocat,
Ne indonata abeas fraterno munere, parvo
Te puer hoc dono munere Pieridum:
Hoc unum quo te donem, mihi suppetit: at tu
Ne sacra Musarum munera parva puta.
Carminē namque pio fuerit quæcunque precatus
Aut puer, aut superos casta puella deos,
Eventura deūm pater annuit; ille Camœnas
Diligit, has illi Mnemosyne peperit.
Quidnam igitur voveam tibi nunc, dum Nupta cupiti
In jura atque domum transis ALOYSII?
Nempe hoc; ut felix sis tuque tuusque Maritus,
Ut semper vobis mutuus adsit amor;
Nec vestras unquam subeat Discordia fedes,
Quæ abrumpat sancti fœdera conjugii.
Hinc tibi cedenti hæc, Soror, adprecor: hæc eadem vel
Absenti haud cessabo usque rogare deos.



(L V)

AD SPONSUM PICTVRÆ STUDIOSUM

JOANNIS BAPTISTÆ SARTORI

A T E S T I N I.

PINGE flammeolis Puellam ocellis,
Pinge purpureis genis Puellam,
Adde & purpureis genis Puellæ
Nives virgineas; sit usque, & usque
Lacte candidior finus recenti,
Nec non pes deceat, manus, capilli.
Hanc circum Charites volare certent
Texentes capiti aureo corollas,
Amoris Charites bonæ sorores:
Et comes volitet bonus fororum
Componens digitis Amor capillos.
At prius roseo incubans labello
Ardens, atque oculis dein, genisque
Ipse in se faculas Cupido vertat:
Verba quin Dominæ hauriens hiulco
Ore, molliculas locutiones
Discat Gallia quas solet referre;
Et discat, Domina manus movente,
E lyra digitis ciere cantus.
Quid cessas? age; fume penicillos,
Sume, candide Sponse, penicillos,
Namque est quod superest, magis decorum.
Stet hinc magnifico superba amictu
Virtus, & niveo caput decenter
Stet Pudicitia hinc operta velo:
Sed illam cupidis stupens ocellis

(L V I)

Speſtet altera, & altera osculetur
Hos fundens hilari ſonos ab ore:
Felix, hanc bene qui Puellam amarit,
Felix, hæc bona quem Puella amarit!
Ergo oh ſupra homines beatiores,
Te, Pictor, magis & magis beatum!
Nam quæ tam varie decora fulget,
Ipfæ ipſa eſt toties cupita Virgo,
Virgo deliciæ, tuique amores,
Eo pulchrior omnibus puellis,
Quo eſt te dignior omnibus puellis.

FRANCISCI FORTUNATI VIGNA

V I C E T I N I.

EN properat veſtri nunc Sponſa ad fluminis undas,
Nymphæ Atheſis, linquens Bacchilionis aquas.
CAPRA, cui Genitor MARIUS, cui TRISSINA Mater
CÆCILIA; ambo pares ſanguine, divitiis,
Majorum ſplendore; mage at virtutibus illis
Quas animus pandit nobilis innumeras.
Egregio Prolem venturam dicite Sponſo;
Dicite Avo ſimilem, vos, ſimilem atque Aviæ:
Et ſimilem patriis quoque Avis fore, dicite, Nymphæ,
Qui Gentis tantæ ſunt decus, atque Atheſis.
Dulcis adeſt & Hymen, caſtuſque Amor omine læto.
O veniant citius quæ bona fata canunt!



(L V I I)

JOANNIS MARIÆ RIZZETTI

A T E S T I N I.

MAGNIS clara Atavis, cælo quos inclyta Virtus
Intulit, & passim Fama recenset anus,
Insignes victo ductis ex hoste triumphis,
Doctarumque bonis artibus Aonidum,
Clara Patre, excultam cujus sapientia mentem
Ornat, & eloquii flumina ab ore fluunt,
Clarior at propriis virtutibus, optima Mater
Quas usque exemplis indidit eximiis,
Bergæas inter, formosa OCTAVIA, Nymphas
Fulgebas patrii gloria prima foli;
Plaudebatque sibi luce exornatus amica
Bacchilio tantum lætus adesse decus.
Verum, heu! non patriæ dederunt te fata perennem
Olli assueta decus præcipuum rapere.
Mox etenim externas procul hinc migrabis ad oras
Juncta maritali fœdere ALOYSIO;
Ac dum facundi certabunt dicere Vates
Queis præbet dulces Musa Latina modos,
Ut flagrans & purus amor vos junxit, & alma
Conjunctos servet non solvenda fides,
Quam faciles ornent te mores, quamque venusti,
Quique tibi roseo fulgeat ore decor,
Ut tuo ALOYSIO nascenti risit Apollo,
Puraque Castaliis ora rigavit aquis,
Venturosque canent Natos, qui utriusque perennes
Virtutes referent, & decora alta Domus,
Mollia candidulis tundentes pectora palmis
Mærebunt imo in flumine Naiades,

Bacchi-

(L V I I I)

Bacchilioque pater prærepto mæstus honore
Segnes cursu undas languidiore trahet.
Te compellabunt iterumque iterumque dolentes
Excelsæ Bergæ e vertice Hamadryades,
Atque tuum circum resonabunt undique nomen
Percussæ valles, pulsaque ripa simul.
At tū dilectam postremo amplexa Parentem,
Quæ te hanc blanda sinu fovit ad usque diem,
Luce nova fulgens, regali & splendida luxu
Perges quo dudum fataque, Amorque vocant.
Ardentes quassans tædas, ornataque flore
Cinctus amaracino tempora sanctus Hymen
Urbe abscedentem præcedet, & omine fausto
Ad thalamum cupidi ducet ALOYSII:
Tum niveas nexæque manus, hilaresque choreas
Ducentes trijuges, sacra corona, Deæ,
Et Jocus, atque illi comes indivisa Voluptas
Dulci perfundens pectora lætitia,
Idaliusque Puer inflicto vulnere gaudens,
Atque simul nitida fronte benigna Parens
Ludent hærentes lateri circum: aureum ab ore
Effundet solito fulgidiore jubar
Phœbus, curru & qua præterlabère volanti,
Ridebit tellus floribus aucta novis.
Ast ubi ad illustrem Brenni perveneris Urbem,
Armipotentis divæ, Aonidumque domum,
Sedibus e vitreis certatim profilientes
Nymphæ te festis plausibus excipient:
Quin pater ipse Athesis miratus, maxima reddit
Quæ sibi nunc fidus munera Bacchilio,
Continuo canum caput imo e gurgite tollens
Hos madido lætos fundet ab ore sonos:
Tandem sidereo Titan invehctus olympo
Optatum rutilo protulit ore diem

Quo

(L I X)

Quo caræ amplexu divulsa, OCTAVIA, Matris
Aureolo teris hæc litora nostra pede.
Sis felix, Sponsa o Divis gratissima, salve,
Sponsa MINISCALCO tam bene nupta Viro.
Si nuper Bericas inter pulcherrima Nymphas
Ornamentum ingens Civibus & Domui
Bacchiliona tuum forma præstante beabas,
Maxima cura deûm, maxima cura hominum;
Me quoque me posthac forma præstante beabis,
O decus, o Nymphis lux nova juncta meis,
Ut me magna tuæ Germana SAVINA Parentis
Ornat jam pridem dotibus egregiis.
Felix o LODOIX, cui divûm munere talem
Sponsam perpetuo foedere junxit Amor,
Quam externæ, indigenæque stupent matresque, nurusque
Mente, animo, vultu, moribus eximiam,
Cui Juno incessum, Charites tribuere decorem,
Ipsa suis manibus finxit & ora Venus:
Quæ seu pingit acu Majorum grandia facta,
Nobile opus doctæ Pallados esse putes:
Seu cithara recinit dulces queis uritur, ignes,
Præstanti magnas æquat in arte deas:
Seu tenero ore refert mollissima verba, videtur
Enutrita tuo, Gallica terra, sinu.
Plaudite certatim lætantes, plaudite, juvenes,
Laudibus & magnum tollite Conjugium.
At vos ite hilares, Divis o faventibus, ite,
Sponsi, atque usque aureos ducite & usque dies.
Optati venient Nati volventibus annis,
Inclyta qui Phœbi gloria, Martis honos,
Et vos & Proavos notis virtutibus æquent,
Et Domus & Patriæ nomén ad astra ferant.



(L X)

CLEMENTIS SIBILIATI

PATAVINI

AD SPONSUM

POETICIS STUDIIS DEDITUM.

SI, Sponse, Hendecasyllabis tuos me,
Sponsæ & vis teneros referre amores;
Illam mi citharam bonus mihi illam,
Illam porrige qua tuos frequenter
Et Sponsæ libuit referre amores.
Nam fama auriculis meis fufurrat
Vatem te lepidum esse & elegantem,
Ac dignum patria esse te Catulli.
Tunc OCTAVIÆ ego dedisse dicam,
Genis purpureum rofas colorem,
Lucem sidera lucidis ocellis,
Candorem niveis ligustra membris,
Risum afflasse deam Cypri labellis,
Mentem Pallada, Gratias lepórem.
Ac te, cui sociant dii Puellam,
Pulchram corpore, mente pulchriorem,
Usque carmine, & usque prædicarem
Beatum magis omnibus beatis.
At quid versiculis meis tuarum
Insignes ego Nuptiarum honores
Cantem pessimus omnium poeta?
Cum mi nec similem Thalia venam,
Nec pares amor excitarit ignes.
Dicunt namque viri eruditiores,

Amo-

(L X I)

Amorem faciles docere versus;
Ac tu id ingenue potes fateri,
Qui postquam ureris intimis medullis,
Factus doctior, ut puto, poeta es.
Quare mi veniam dabis benignus,
De te si taceam, ac tua Puella:
Non sum nempe poeta, non amator.



(L X I I)

P A U L I L A N A

P A T A V I N I.

*NYMPHA VICETINA DISCEDENTEM
SPONSAM CONQUERITUR.*

LUGETE, o Berici jugi puellæ,
Lugete, o quibus est decus, voluptas
Curæ: nam Berico e jugo Puella,
Illa, illa inclyta amabilis Puella,
Tam culta omnibus, & colenda cunctis,
Semper, noster amor, decus, voluptas,
Ad colles alios migrat, locosque.
Lugete, o Berici jugi puellæ,
Cedentem Berico jugo Puellam.
Illam nobilium cohors Avorum
Ornat, quos numeret, sciat nitentes
Qui stellæ æthere quot micent sereno.
At te quæ fileam, MARI, Puellæ
Quo nullus melior parens Parente?
Te mores decorant probi, benignum
Omnes te memorant, & hospitalem.
Doctæ Pierides sinu tenellum
Jam fovere, & adhuc foveant amantque,
Interque annumerant suos poetas.
Nec te præteream, verenda Mater,
Matronalem animum, decus, leporem
Cui largi dederunt, bonique Divi.
Sed te non aliam decet Parentem
Esse, illa eximia fatam Parente,
Quam puto, Charitas manu suapte

Fin-

(L X I I I)

Finxisse affimilem sibi & gemellam .
Vivat Nestoreos, & ultra, ad annos
Matrona hæc animo nitens virili:
Mente, & viribus usque & usque firmis
Senex damna malæ haud ferat senectæ.
Tam clavis veniens Avis Puella,
Tam claro veniens Puella Patre,
Tam clara veniens Puella Matre,
Insuper variis & ipsa Divûm
Micans muneribus, modesta vultu,
Nec formosa minus, minus nec artes
Traçtare Aonidum perita blandas;
Tantis splendida dotibus Puella
Ad colles alios migrat, locosque .
Lugete, o Berici jugi puellæ,
Cedentem Berico jugo Puellam .
Heu crudelis Amor, Venusque sæva!
Visi ergo Berici carere colles
Sponso quem deceat Puella talis?
Heu! VERONA, bonum invides, rapisque,
Quod nulla ex animo dies revellet,
Luctu perpetuo bonum dolendum .
Lugete, o Berici jugi puellæ,
Cedentem Berico jugo Puellam .



(L X I V)

P. C.

P A T A V I N I.

QUID quod plus solito pulsus circum undique nimbis
Æthere fulgentes emicuere faces?

Quid quod plus solito placidi stant aere venti,
Spirat & adversis mitior aura jugis?

Lenius arguto resonant modulamine cycni?

Proximus auritas sustinet amnis aquas?

Agnosco: celeres, o tandem accurrite Nymphæ,
Silvaque quotquot habet numina, quotquot ager.

Vos quoque communi sublato murmure plausus

Concordes paribus confociate modis.

En illa, en vestri pars formosissima cœtus,

Qua melior, qua non altera amabilior;

Cui Juno incessum, facilis cui Gratia mores,

Docta Minerva manus finxit, & ora Venus;

Alba verecundo suffundens ora rubore

Destituit patrios jam modo Sponsa lares,

Firmatosque petit sociali jure Hymenæos,

Atque maritalem flore decora thorum,

Illius dives sibi quo gratatur alumno

VERONA, irriguis quam secatur amnis aquis;

Cui nivei mores, casto cui pectore candor

Incubat, ore fides integra, fronte decor,

Suaviter & placidum cui grata modestia vultum,

Verba pudor, dulcis temperat acta modus,

Illius subit amplexus atque oscula Amyntæ,

Unus qui juvenum gaudia, ocellus, honor.

O fortunatos nimium, consortia quorum

Æterno jungit fœdere corda fides,

Tuque

(L X V)

Tuque, o læte nimis formosa Conjuge Conjux,
Nec minus hoc felix Sponsa potita Viro!
Quam vos læta manent repetitis sæcula sæclis,
Sternuit & faustum mutuus omen Amor!
Quam felix surget tali de semine germen,
Augeat antiquum quod decore inde decus!
Hinc iterum Heroas veniens mirabitur ætas,
Quos dudum nulla deperitura die
Gloria sacratos illustribus in monumentis
Æternum superis addidit ordinibus.
Interea placidus nunc vobis dulciter afflet,
Pectoraque alternis urat Amor facibus.
Sitis felices; vos arcto fœdere junctos
Excipiat nulla aut tarda senectæ pares.



(L X V I)

J O A N N I S T R E T I I

VERONENSIS, ARCHIPRESBYTERI.

ADVEHE, Phœbe, diem a rubro festinus Eo;
Et nox pulsa tuo lumine diffugiat;
Utque Aurora tuum referat maturius ortum,
Tithoni e thalamo conjugis exfiliat;
Lux optata feret veniens nam dulcia secum
Magno Athesi, & parvo gaudia Medoaco:
Qua Juveni felix OCTAVIA nubit amanti
Claro Atavis, animo sed magis eximio.
Illam hominum genitrix VICETIA belligerorum,
Egregiisque viris inclyta progenit;
Illum armis VERONA potens, studiisque Minervæ,
Ac summis peperit vatibus usque virens;
Gentis utrumque suæ exornant insignia facta,
Laudatæque usu divitiæ & cumulo.
Nec potior venit ambobus laus Gente ab Avita,
Aut ab opum perquam divite congerie;
Sed magis ornatu pulchræ virtutis ab omni,
Quo viri utrumque, probæ suspiciuntque nurus.
O flos nobilium juvenum formose ALOYSI,
Indole, & ingenio quantus es ipse tuo!
Quam bene & ipse refert clarum virtute Parentem,
Et Matrem ingenuæ laude pudicitiae!
Tu dignam accepto traducis sanguine vitam
Comis & erga homines, & pius in Superos.
Nec tibi fert animus tumefacto incedere fastu;
Nec miseram ipse audes temnere pauperiem,
In qua nempe Dei fulgere auctoris imago
A te fido animi cernitur intuitu.

Verum

(L X V I I)

Verum ne ulla tibi laus deforet, altus Apollo
Carmen, & Aoniæ te docuere deæ;
Teque foveant Musæ quas Lydius educat Arnus,
Et quarum Etrusca est ora disertâ parens;
Quæ Vate insigni Lauræ, quæ jure superbit
Altiloquis magni cantibus Aligeri.
Has sic ipse colis, Phœbo aspirante, Camœnas,
Ingenii ut foetus adprobet ille tui.
Hinc tibi promeritam Parnassi in vertice laurum
Ortæ Aganippeo flumine Thespiades
Fontis alunt alacres nativi mollibus undis,
Illa tuum ut fiat præmium, honorque comæ.
Nil igitur mirum, tibi quod lectissima Virgo
Sic numeris virtutum omnibus, ut genere
Traditur, & cui tanta nitet toto ore venustas,
Ut Gnidi divam vincat, & Eurynomen.
At jam tempus adest, quo sacra jugalia fiant,
Binaque jam concors corpora jungat amor.
En miro prodit nimium spectanda decore
Cognatos inter candida Nupta choros.
Ac talis comites inter venit obvia Nymphas
Exsuperans pulchris sidera luminibus,
Quale micat cælo rutilans Amathuntidis astrum
Omnibus æthereis splendidius facibus.
O quæ circumstant Sponsam decora alta pudicam!
Cui MARIUS Pater est, CÆCILIA & Genitrix:
Ille Genus prisco CAPRIORUM a sanguine ducens,
Clara hæc a summis TRISSINA Mater Avis.
Gens unde est Pater exortus, bellicæ togæque
Muneribus magnum nomen adepta sibi est.
Sueta novum antiquo semper decus addere honori,
Charaque vel magnis Regibus esse diu;
Scite etenim in claris docuerunt sæpe Lycæis
E CAPRIIS aliqui jura verenda Viri.

(L X V I I I)

Atque alii impavidum Martem, feraque arma secuti
Insignes belli sæpe fuere Duces.
At non ille minor Majorum laude suorum
Haud ulla ex istis frangitur invidia;
Nam magno in pretio se conspicit esse apud omnes
Europæ Dominos, inclytæ & Aufoniæ;
Quod miræ Actææ tenet omnes Palladis artes,
Præclare Etrusco scribit & eloquio.
Nec minus eximie Latiali plurima lingua
Scribit doctrina magnus, & ingenio;
Cujus in haud levibus multa est solertia rebus,
Dignus qui est alter dicier inde Solon.
Laudibus his igitur mire præstantibus aucti
Vos, quos junxit amor, jungat ut inde thorus,
En Helicone venit propere jam missus ab alto
Flammiger astrivagæ filius Urania.
Tolle, Hymenæe, facem, & flavam redolente amarantho
Cinge comam, & læta dic bona verba die.
Mutua utrinque fides verbis datur; atque ita dulci
Rite animam vinclo nectis utramque tuo.
Conjugium o felix, cui fausto arridet Olympus
Omne, quo Reron plaudit ovans Athesi;
Isque exultantes volvit cum murmure lymphas,
Najades ad lusus excit & iste suas;
Quæ mox fatidico hæc edunt præsagia cantu,
Proxima cui reboans accinit ora simul:
Numina ni fallunt, VERONÆ commoda nostræ
Multa tuis venient, Nupta, puerperiis;
Namque MINISCALCO Generi dabis, inclyta Virgo,
Haud modicam inde suo tempore progeniem,
Quæ virtute pari exæquans celeberrima Avorum
Nomina sit Patriæ luxque, decusque suæ.
Sic per te Urbs ævo felix erit ista futuro,
Tuque tuo insignis munere semper eris.

JOAN.

(L X I X)

JOANNIS ANTONII VULPII,

IN GYMNASIO PATAVINO PUBLICI RHETORIS AC PHILOLOGI,

ACADEMICI PHILARMONICI,

C A R M E N

Trochaicum tetrametrum catalecticum.

Q UÆ puellas vincit omnes flore pulchritudinis,
Et videri nata possit de Sabino sanguine;
Sic venustas fœdus icit cum pudicis moribus;
Illa Virgo fax Amorum prænitens OCTAVIA,
Nobilis, disertâ, Sponso nubit ALOYSIO.

In rosetis quam decentes educarunt Gratia,
Post Minerva fasciarum jam solutam vinculis
Gessit in sinu, doctâque sæpe demulsit manu,
Artibusque delicatis eruditam protulit;
Illa Virgo fax Amorum prænitens OCTAVIA,
Nobilis, disertâ, Sponso nubit ALOYSIO.

Illa Virgo, cui columbæ, cycnus, & splendens ebur,
Lac recens, & quæ frequentes decidunt cælo nives,
Uniones in marinis qui latent conchyliis,
Marmor excisum Paro, vel montibus Ligusticis,
Lilium, ligustra cedant, cuncta demum candida;
Illa Virgo fax Amorum prænitens OCTAVIA,
Nobilis, disertâ, Sponso nubit ALOYSIO.

Plaude nunc, VERONA, claris læta plaude nuptiis,
Cerne donum singulare fertilis VICETIÆ:
Num Cythera forte, dices, num Paphon liquit Venus?
Par Dionæ pulchra Virgo molle præfert cingulum,
Cingulum potens amoris excitare incendia.

Plaude nunc, VERONA, claris læta plaude nuptiis;
Teque lusibus vacantem, deditam conviviis

Audiat

(L X X)

Audiat Benacus, urna qui reclinis aurea
Limpidum lacum virentes fundit inter Najadas :

Tuque Virgo fax Amorum prænitens OCTAVIA,
Flecte amabiles ocellos nunc ad ALOYSIUM,
Quos benigna dum sopore, manè, misso detegis,
Prata rident, herba floret, lucet æther puriùs:
Hos amabiles ocellos, unde tela prodeunt
Dulcius factura vulnus & favis Hymettiis,
Et liquoribus Falernis, Indicaque arundine.

Jam labella pande, Virgo, quæ rubore vicerint
Punici fragmenta mali, purpuram, coccum, rosam,
Et fugantem noctis umbras divitem carbunculum.
Jam labellis verba prome, verba verticordia,
Verba, deturbare fulmen quæ manu possint Jovis.

At, Marite, parce dictis. laudo fortunas tuas;
Gaudium decet maritos: at modeste gaudeas;
Nam tacendo mitigare convenit Rhamnufiam.

Quale flumen, aut soluta turgidus torrens nive,
Currit annus incitatus, hora pernix avolat,
Et rapit secum puellas, & rapit fortes viros.
Sponse felix, Nupta florens, exhibete Liberos,
Qui Parentum dignitatis admonebunt posteros,
Sarcientque per Nepotes cuncta damna temporis.

En Hymen cælo refulsit: nunc decet silentium.
Sponse felix, Nupta florens, jam valetè ac vivite.



